



百七十五

漢書門			
一三六〇八	九	〇	八
一三六〇	〇	九	〇
冊	架	函	號

內閣文庫			
一三六〇八	九	〇	八
一三六〇	〇	九	〇
冊	架	函	號

內閣文庫			
番號	漢	12608	
冊數	160 (137)		
函號	300	211	





重校聖濟總錄卷一百七十五

震澤汪鳴珂瑤圃全弟鳴鳳蘭圃校

程 勤懋哉校訂

小兒門

小兒宿食不消

小兒腹脹

小兒哺露

小兒丁奚腹大

小兒脾胃氣不和不能飲食

小兒咳嗽

小兒宿食不消

論曰小兒宿食不消者皆因哺乳飲食取冷過度冷氣積於脾胃所致蓋胃為水穀之海脾氣磨而化之脾胃調和則乳食消化病何由生胗其三部脈沉或氣口實大者宿食不消也

平胃散方

蒼朮二兩 土炒 厚朴一兩 麩炒 陳皮各一兩 甘草五錢

右剉散每用二錢加生薑一片水一鍾煎六分熱服量兒大小加減用

保和丸方 治宿食不消不肯飲食

陳皮 蘿蔔子 連翹各五錢 山楂肉二兩 茯苓

苓 半夏 神麴各一兩

右為末水跌為丸每服一錢淡薑湯下兒大量加

枳實導滯丸方 治小兒濕熱物所傷不能尅化

或成否滿元氣虛者不可服

白朮土炒 茯苓 黃芩酒炒 黃連酒炒 各三錢 澤瀉

瀉二錢 大黃一兩 枳實麩炒 神麴各五錢

右為末水跌為丸每服一錢五分滾水服

消食丸方 治小兒宿食不消胸腹脹痛

砂仁 橘皮 三稜煨 蓬朮煨 神麴炒

麥芽炒各半兩 香附子炒一兩

右爲末麩糊爲丸如菜豆大食後紫蘇湯下二十丸

紅丸子方 治小兒過食寒冷之物成積腹痛

三稜醋煮 莪朮醋煮 橘紅 青皮麩炒各五兩 炮

薑 胡椒各二兩

右爲末醋糊爲丸如菜豆大礬紅爲衣每服二

三丸看兒大小加減

保和丸方 治小兒瀉瀉傷食瀉

香附子 砂仁各一兩 白薑炮 青皮 陳皮

去白 京三稜炮 莪朮 甘草炙各半兩

右爲末麥芽麩糊丸如菜豆大每服三丸白湯下食前溫服

香橘餅方

陳皮四兩 厚朴薑汁製四兩 青皮炒四兩 神麴炒四兩

麥芽炒四兩 木香二兩 砂仁去殼二兩

共為細末鍊蜜為餅大者二枚小者一餅煨薑湯化下

溫脾丸方

丁香 木香 半夏麴各五錢 青皮炒 白朮

炒 乾薑炮各二錢五分

共為細末鍊蜜為丸如黍米大每服三四十九淡薑湯下

史君子丸方 治小兒宿食不消日久成積

史君子肉一兩 陳皮一兩 厚朴薑汁炒一兩 青黛

三錢 甘草四錢 訶子肉麩包煨取肉五錢

右為末用麥芽粉打糊為丸如菉豆大看兒大小與服

枳朮丸方 治小兒宿食不消

白朮八兩土炒 枳實四兩麩炒 陳皮四兩 半夏四兩薑汁炒

香附四兩酒炒 砂仁二兩

右為末水跌為丸看兒大小加減滾水送下

消食丸方

山查 厚朴薑汁炒 陳皮 香附酒炒 神麩炒

蒼木 米泔水浸炒 青皮 麥芽 炒各二兩 三稜 醋炒五錢

莪朮 醋炒五錢

右為末水跌為丸每服一錢水送下人大量加

滌滯保脾丸方 治飲食重傷

大黃 四兩 枳殼 麩炒 茯苓 白芍 酒炒 扁豆

炒 甘草 陳皮 厚朴 各二兩薑汁炒 木香 檳榔

神麴 各一兩炒

右為末水跌為丸看兒大小加減滾水服

杏仁


厨家造索粉杏仁近之即爛今後凡遇粉傷者宜加焉此惟醫餘誌之諸書皆未道也

糯米

客有貨瓜菓者一遇糯米無不化爛今後凡遇傷於瓜菓者宜入之

醇酒

內則誌八珍以養老取牛肉必新殺者絕其理而薄切之湛諸美酒朝而食之則酒之善於爛牛味也可知矣今後凡遇傷於牛味者宜使飲



之

橄欖

舟人以橄欖木為檣凡魚觸之無有不死又嘗以橄欖木為桌以魚骨置之少時柔軟今後凡遇食魚而傷者及噎魚骨者皆宜用之

白麩

糯米一石得白麩一斤皆釀為酒今後凡遇傷於粽糰者宜用之

芽茶

凡造飯成團以芽茶沃之粒粒散解今後凡遇傷於百穀者宜入之

山查

客有烹猪首者或告之曰是草猪母彘之首也皮厚而不易烹能多入山查則易烹矣試之果然今後但遇傷於肉者只此足矣

淡豆豉

凡食煎炙麪食肥甘椒辣等物令人焦煩消渴者宜以淡豆豉一物煎湯主之蓋萬物歸於腐

又曰腐勝焦淡豉原經會造而質已腐則能腐化諸味矣故稱其良

麝香

凡花菓草木一觸麝香無不萎落今後凡遇傷於菓實蔬菜者宜主之

枳椇子 俗呼雞距子

門外植枳椇木者門內造酒必不熟屋內有此木作柱亦然故曰枳椇解酒故於葛花今後凡遇傷於酒中酒者宜用之

小兒腹脹


論曰腹脹之候乃冷氣客於臟也小兒臟腑嫩弱故風冷之邪易入搏於臟氣則令腹脹若冷氣乘於胃則食不消若腸虛冷氣乘之則變為下利

枳木丸方 治小兒脾虛腹脹

白朮 四兩 土炒 枳實 二兩 小麥麩同炒 播去麩用

右為末水跌為丸每服一錢或二錢食遠滾水下

寬中丸 治小兒飲食無度生冷過多脾弱不能



克化滯而生痰胸腹作脹

橘紅 半夏薑汁炒 枳實麩炒 厚朴薑汁炒 蘿蔔

子炒 蘇子炒 砂仁 神麴炒 麥芽炒

等分

右為末水跌為丸如小不能吞為末調用亦可
每服一錢看見大小加減食遠滾水送下

大安丸方 治小兒飲食傷脾以成腹脹

山查肉炒二兩 白朮炒 神麴炒 半夏製

茯苓各一兩 蘿蔔子生用 陳皮去白 連翹各五錢

右為末水跌為丸滾水送下量兒大小加減

六君子湯方 治脾虛腹脹手足倦怠氣短漉瀉

人參 白朮 茯苓 甘草 半夏薑汁製 陳

皮各等分

加生薑一片水一鍾半煎至六分食遠服

加味八正散方 治濕熱下注腹急脹小便短少

車前子 蘧麥 扁蓄 滑石 木通 山

梔子炒黑 甘草稍 大黃 木香各等分

右剉散每服二錢水一大鍾煎至六分食前服

調中丸方 治小兒久傷脾胃腹脹

乾薑 橘紅 白朮 茯苓 廣木香 砂

仁 官桂 良薑 各等分

右細末糊為丸如麻子大每服二三十丸食後

滾水送下

沉香丸方 治冷積腹脹

乳香 沉香 丁香 杏仁 炒 百草霜 各

錢 木香 一錢 巴豆 十四粒出油如霜 肉豆蔻 一枚

右為末酒煮蠟和丸如菜豆大每服三五丸淡

薑湯送下

溫脾散方 治脾虧損腹脇虛脹乳食不進因倦

怠無力

訶子 用肉 人參 各七錢 白朮 木香 廣陳皮

桔梗 茯苓 藿香 黃耆 各五錢 甘草 二錢

半錢

每服二三錢薑棗煎湯送下

肥兒丸方 治小兒病多胃虛蟲動日漸羸瘦腹

大不能行

黃連 神麴 各一兩 麥芽 炒半兩 木香 二錢 使君

子 檳榔 三枚不見火 肉豆蔻 麴裏煨各半兩

右為末糊為丸如梧桐子大每服二三十丸量意加減滾水吞下

訶梨勒丸方 治小兒脾虛腹脹不能乳食

訶梨勒 煨用皮 厚朴 薑汁炙令熟 陳橘皮 去白各半兩 乾

薑 炮 甘草 炙微赤判 木香 曬乾不見火一分 白朮 土炒一分

人參 一分

右藥擣為末鋪蜜和丸如麻子大每服以粥飲

下五丸日三四服看見大小加減用

秘製烏金丸方 治腹脹屢驗

爐嘴不拘多少帶鐵性者佳用炭圍鍊三日夜

取出研極細每一兩加沉香末一錢和勻擣黑

棗肉為丸如棗豆大每用二錢空心熱酒送下

如不用酒滾水服亦可

小兒哺露丁奚

論曰小兒乳哺不調傷於脾胃脾胃衰弱不能飲食血氣減損不榮肌肉而柴辟羸露其臟腑不宣

暢則吸吸苦熱謂之哺露也

十全丹方 治丁奚哺露

陳皮 川芎 青皮 莪木煨 五靈脂

白豆蔻 檳榔 蘆薈各五錢 木香 使君子

蝦蟆各二錢

右為末猪膽汁浸糕糊丸如麻子大每服二十丸米飲下有熱薄荷湯送下

脾積丸方

山查青者多用子 香附 烏藥 砂仁 紫金皮

甘草各等分

右為末楂子用生搗碎曬乾米糊為丸如梧桐子大米飲下三五十九

五癭丸方 治丁奚哺露

青皮炒 乾薑燒存性 五靈脂 莪木各一兩煨

右為末每用巴豆霜一錢拌勻揉飯為如麻子大每服三五丸米湯下

胡黃連方 治丁奚哺露

三稜 蓬朮各一錢煨 陳皮三錢 青皮二錢 胡黃

連三錢 甘草二錢 蕪荑三錢 神麴炒半兩 麥芽

五錢 元胡索煨二錢 雷丸二錢 巴豆五十粒 百草

霜三錢 烏梅肉三錢

右為末先丸一兩入巴豆五十粒如麻子大米

湯下可加川練子使君子

湯氏十全丹方 治丁奚哺露乳哺不調

檳榔 枳殼 青皮 三稜 莪朮煨各五錢 香

附子炒一兩 砂仁五錢 丁香一分 木香一分

右為末神麴為丸如粟米大空心米飲吞下

醍醐散方 治吐瀉後調和脾胃消進飲食丁奚

哺露虛熱煩渴氣逆心惡

陳皮去白 縮砂仁 厚朴薑汁浸一宿慢火焙乾 麥芽

焙乾 烏梅和核各五錢 良薑壁土炒 乾葛二錢 烏藥

二錢 甘草炮二錢 草菓二錢

右碎每服二錢水一盞薑二片棗一枚鹽少許

煎七分空心溫服

赤芍藥丸方 治小兒丁奚雖食不生肌肉腹大

食不消化

赤芍 大黃微炒 鼈甲醋塗炙令黃去裙肉各三分 桂心

柴胡 赤茯苓各等分

右件藥搗為末鍊蜜和丸如梧子大每服五丸

日三服

快活丸方 治小兒下痢雖食不主肌肉腹大食

不消化

蒸餅一兩去頂剗空入青礬半錢重仍以碎餅屑緊塞上用水紙封定灰火中炮透

取出候冷用之

右焙為末別以肥棗用米泔水浸經一宿飯上

蒸去核用乳鉢爛杵如糊同前餅末均分再杵

勻為丸如麻仁大每服三十丸至五十丸溫米

湯無時送下蒸餅不拘箇數大約以一兩入青

礬五分為定

麝香丸方 治小兒羸腹大見青筋及丁奚等病

麝香 硃砂水飛 粉霜各半兩 五靈脂 肉豆

蔻 乾蟾塗酥炙各一兩 夜明砂 白礬灰各半兩 乾地

龍炒一分 乾蜣七箇去翅 蛭炙令黃色

右件搗羅為末與硃砂同研勻細鍊蜜和丸如

黍米大每服三粒至五粒温水下量兒大小加減服之

人參丸方 治小兒羸腹大見青筋及丁奚等病

人參 麥冬去心 半夏湯洗 黃耆 大黃微炒

茯苓 柴胡 黃芩各三分 甘草炙 芎藭

半兩 訶黎勒煨用皮 鼈甲醋炙黃去裙邊各一兩


右件藥擣羅為末鍊蜜和丸如麻子大一二歲以粥飲下三丸四五歲五丸日三服量意加減用

小兒丁奚腹大

論曰丁奚病者皆由哺食過度小兒脾胃尚弱不能磨消故也哺食不消則水穀之精減損無以榮其氣血致肌肉消瘠腹大頸小黃瘦是其症也與哺露名異而病同其方法與哺露同治

小兒脾胃不和不能飲食

論曰脾胃者倉廩之官五味出焉蓋小兒乳食必歸於胃與脾相為表裏而尅化之此調和之謂也若撫養失宜或過食冷物或犯冷氣則寒客於內



在胃則不能入在脾則不能消表裏不相關而飲食難進矣當審其虛實以治之

強胃飯匙丸方 治小兒脾胃不和飲食少進

飯匙四兩 白朮 茯苓 陳皮 蓮肉 扁

豆各二兩 山藥 神麴 砂仁各一兩

右為末水跌為丸看見大小加減淡薑湯送下

肥兒丸方 治脾胃不和腹中有積有熱

蘆薈 胡黃連 白朮 茯苓 陳皮 蓮

肉 五穀蟲 扁豆 厚朴 山查 神麴

麥芽各一兩 甘草五錢

共為末水跌為丸看見大小用米湯送下

香橘餅方 治飲食傷脾不能尅化


陳皮 厚朴薑汁製 青皮 山查肉 蒼朮米泔

浸麥芽炒各二兩 木香五錢 三稜醋煮炒 莪朮醋煮炒

砂仁各一兩

右為末用神麴末六兩打糊印成餅每餅重一錢小者用一餅四歲以上用二餅淡薑湯磨服

四君子湯方 調理脾胃進乳食止泄瀉



人參 白朮 茯苓 甘草各等分
 右剉散每服三錢薑棗煎加陳皮半夏各六君子湯

和中散方 治小兒脾胃不和嘔逆惡心冷熱不調減食泄瀉腹痛腸鳴少欠嗜臥

厚朴六錢製 白朮 乾薑 甘草各二錢

右剉散每服一錢生薑二片水一鍾煎八分乳前溫服若內熱去生薑加陳皮白茯苓黃連神麴蓮肉蜜丸名和中丸

調中散方 治脾胃不和

人參 茯苓 木香 白朮 甘草炙 乾薑煨 砂仁 藿香洗 香附子 丁香各等分

右為末每服一錢薑棗湯調下

參苓白朮散方 治脾胃虛弱不進飲食

人參去蘆 白茯苓去皮 粉草 白朮 白扁豆炒去殼 山藥去黑皮 縮砂仁 薏苡仁 桔梗剉炒九味各一兩 蓮子肉去心

右剉焙為末每服半錢至一錢用棗湯空心調

服或米湯亦可

健脾飲方 治脾胃不和有時吐瀉飲食少進精

神困倦

厚朴

薑汁浸一宿慢火炒乾再入醇醋碎透仍以慢火炒人參 去蘆各一兩

茯苓

去皮

肉豆蔻

半夏

湯煮透濾仍剉焙乾

益智仁

香附

各二錢

甘草

炙五錢半

良薑

剉片東壁土炒

訶子肉

各二錢五分

右剉每服二錢水一盞薑二片棗一枚煎七分

無時服

藿香飲方 治脾胃不和飲食少進正氣除邪理

虛化痰

人參

去蘆

半夏

湯煮透濾剉片焙乾

赤茯苓

去皮

甘草

炙各一兩蒼朮

去麁皮米泔水浸一宿濾乾剉片用火炒至微黃色

陳皮

去麁皮製

厚朴

去麁皮製

陳皮

去白

二藿香

去梗各七錢半

厚朴

去麁皮製

一兩五錢

右件咬咀每服二錢水一盞薑二片棗一枚煎

七分空心溫服或入燒鹽同煎

勻氣散方 治胃虛弱不思飲食

桔梗

五兩

甘草

二兩

白薑

一分

橘皮

茴香

各一
兩 縮砂仁 一兩

右為末半錢或一錢霜木瓜煎湯調服紫蘇鹽湯亦可

醒脾散方 治小兒脾胃虛弱不進飲食

木香 白朮 人參 茯苓 草藁子 甘草
草 炙 厚朴 綱砂 陳橘皮 紫蘇子
水煮

右等分為末一錢水六分薑一片棗一枚煎四分溫服

調中飲子方 治小兒諸疾

肉豆蔻 白朮 炮 人參 訶子 炮去核 檳榔 三錢 陳橘皮 去白 各半 茴香 各半 藿香 三錢 甘草 三錢 桂心 三錢 縮砂仁 五錢

草 炙半 兩 桂心 三錢 縮砂仁 五錢

右為末每服半錢一錢薑棗煎水量兒大小加減溫服

前胡散方 治脾胃不和見食欲嘔心胸壅悶

前胡 蘆根 各三分 桂心 一分 人參 白朮 赤茯苓 甘草 厚朴 薑汁 枇杷葉 各半 炙

每服一錢水一小盞煎五分不時量意加減溫

服

治小兒脾胃虛弱飲食少進

用人參白朮茯苓甘草等分為末每服一錢鹽湯點服一方加陳皮縮砂仁

治小兒胃虛氣逆吮乳不食

用人參一錢丁香藿香各半錢水半盞煎熟入乳汁少許煎服

治小兒胃弱吐逆手足心熱不進乳食

用陳紅麴三錢半白朮一錢半麩炒甘草炙一

錢為末每服半錢棗湯飲調下

助胃膏方

人參 白朮 茯苓 甘草 炙 丁香 各五錢

砂仁 四錢 木香 三錢 白豆蔻 十四錢 山藥 一兩

肉豆蔻 煨四錢

共為細末鍊蜜為丸如元眼大每服一丸引用煨薑米湯化下

小兒咳嗽

論曰小兒咳嗽者風寒傷肺也咳謂無痰而有聲

肺氣傷而不清嗽謂無聲而有痰脾濕動而為痰也蓋肺主皮毛其俞在背或解脫換衣風寒傷於皮毛從俞入肺肺感寒邪即嗽凡小兒須常暖其背即夏月亦不可露背月內者不可治百日內咳嗽十中一二瘥耳又有寒嗽熱嗽齁齁寒嗽者因風冷入肺其症面青氣逆咳嗽喘急晝夜不息人參寧肺湯主之熱嗽者乃肺經蘊熱其症氣麤喘滿甚則悶亂不食飲水不止清肺飲子主之齁齁者由胸膈痰多痰與氣相擊隨嗽動息所以

齁齁有聲也宜七寶散珍珠圓治之寧嗽之法熱即下冷即溫之更隨虛實加減應變切不可泥古反成大害而久嗽不已至傷其氣傳變驚風誠非小疾急宜預療慎之

人參寧肺湯方

人參 白茯苓

甘草

白朮

陳皮

五味子

各一錢

用生薑一片黑棗一枚水煎食遠服

人參清肺飲方

人參 羌活 五味子 欵冬花 各二錢 麻黃

去節 甘草 炙各一錢

入桑根白皮一寸水煎不拘時候服

七寶散方

大黃 麩裏煨 梔子仁 赤茯苓 滑石 黃芩

炒 赤芍 甘草 炙各一錢

共為細末用桑根白皮煎湯如喘急不能睡者

同磨刀水澄清溫暖食服 磨刀水用切藥刀

磨麤石取之

寧嗽二陳湯方 治小兒傷風咳嗽

陳皮 四分 半夏 五分 甘草 二分 防風 四分 桔

梗 四分 前胡 四分 杏仁 八粒 蘇子 四分

水一鍾半加薑一片葱白一箇煎六分緩緩熱

服

珍珠圓方

天竺黃 天麻 煨 膽南星 炒 白附子 炮

青黛 甘草 炙各二錢 珍珠 硃砂 水飛各一錢 輕

粉 五分 麝香 一字

共為細末鍊蜜為丸如芡實大輕粉為衣用竹
瀝煎湯化下

三拗湯方 治感冒風邪鼻塞聲重語音不出或
傷風頭疼目眩四肢拘倦咳嗽多痰胸滿氣短

麻黃不去節 杏仁不去皮尖 甘草生用

右各等分剉散每服三錢水一盞薑三片煎至
六分溫服取汗為度一方加荆芥桔梗嗽甚加
五味子細辛各減半又方麻黃去節杏仁去皮
尖甘草炙各三和湯治喘嗽尤妙加減在乎活

法有熱加前胡傷風加荆芥有痰加半夏


華蓋散方 治肺感寒邪咳嗽上氣胸膈煩悶項
背拘急聲重鼻塞頭目昏眩痰氣不利

麻黃去節 蘇子隔紙炒 桑皮蜜炙 杏仁去皮尖炒赤

茯苓 橘皮去白各半兩 甘草炙二錢

右剉散每服二錢水半盞煎至三分量兒大小
加減食後溫服

金沸草散方 治傷風化痰頭目昏痛頸項強急
往來寒熱肢體煩疼胸膈滿痰涎不利咳嗽喘



滿涕吐稠粘及治時行寒疫壯熱惡風

荆芥四兩 前胡去蘆 麻黃去節 旋復花各三兩

甘草炙 半夏湯洗七次薑汁浸 赤芍藥各一兩

右剉散每服二錢水一盞薑三片棗一枚同煎六分服不拘時有寒邪則汗出嗽甚加杏仁五味子

五拘湯方 治感風濕及形寒飲冷痰嗽咳逆連聲不已

麻黃不去根節 杏仁不去皮尖 荆芥不去梗 桔梗蜜水拌炒各五

錢 甘草二錢半

每服二錢水一盞煎七分無時溫服

九寶飲方 治小兒嗽是肺臟感寒須表散却服嗽藥

麻黃去節 薄荷 大腹子 紫蘇各半兩 桑白

皮炙 杏仁去皮尖 陳皮 枳殼各二錢半 肉桂二錢

半 甘草一錢半

右剉散每服二錢生薑烏梅煎服冷症去薄荷熱症去陳皮肉桂

生犀角散方 治咳嗽痰逆喘滿心忪驚悸風熱

杏仁三錢去皮尖 桔梗二錢 茯苓一錢 前胡一錢半

人參一錢 半夏二錢 五味子 甘草各一錢

右剉散每服二錢生薑薄荷煎有熱加羌活或

加麻黃

人參荆芥散方 治身熱痰嗽胸膈不利宜下痰

去熱

荆芥穗一兩 人參半兩 大黃二錢

右為細末水煎調檳榔木香末五分輕粉一字

後一二日却入大黃服之令疏利則愈不可動

臟腑

瀉肺飲方 治主傷風後五心煩熱咳嗽喘促唇

紅發渴引飲

桑白皮剉炒 地骨皮洗淨焙乾 甘草炙三錢

右每服二錢水一鍾粳米百粒煎七分食後臨

臥溫服不拘時

天門冬散方 治小兒心胸煩悶體熱咳嗽

天門冬 桑白皮 赤茯苓 柴胡 百合

紫苑去苗

藍葉

甘草

炙以上各半兩

右件擣羅為散每服一錢水一小盞入薑汁少許煎至五分量兒大小加減溫服

天麻定喘飲方 治小兒喘嗽驚風

天麻 防風 甘草 人參 桔梗 白朮

川芎 半夏各等分

右剉散每服二錢薑二片麥冬四十粒同煎食後服有熱去白朮加芍藥枳殼

紅綿散方 治傷風咳嗽鼻塞流涕退熱化痰亦

乳後服如身熱宜服清涼飲子去大黃三服之

治乳嗽

全蠍

五箇去毒

麻黃

去節

薑蠶

炒

川芎

天麻

各二錢

白芷

二錢

甘草

一錢

蘇子

一錢

桔梗

二錢

右剉散每服二錢用紅綿包裹煎服有熱加荆芥一方加羌活防風白附子蟬退茯苓藿香隨

意加減

百部散方 治小兒咳嗽煩熱令乳母服

百部

貝母

煨

紫苑

葛根

各一兩

石膏

二兩

右件搗羅為散每服三錢水一小盞入竹葉二七片煎至六分食後服令兒飲乳甚佳

半夏丹方 治胃寒咳嗽

木香 半夏湯洗 肉豆蔻各一兩 藿香 丁香

白朮各半兩

右件為細末取薑汁和如黍米大每服十粒煎人參湯下量兒大小加減

順肺湯方 治心肺不利咳嗽

蘇葉 半夏湯洗各一兩 五味子 款冬花 陳

橘皮湯洗去白 桂心 木香各半兩

右件搗為細末每服一錢水八分入生薑人參各少許煎四分溫服

陳橘皮散方 治小兒咳嗽胸中滿悶不欲乳食

橘皮 桔梗 鷄蘇 杏仁洗淨去皮尖炒 人參各一

分貝母煨半兩

右件搗羅為散每服一錢水一小盞入燈心十寸煎至五分溫服日三四服量兒大小加減

麥門冬湯方 治小兒咳嗽壯熱胸膈壅滯

麥門冬去心 薑半兩 酥 蜜各二兩 杏仁洗淨去皮

尖二兩

右件藥先以水一大碗煎麥冬杏仁至四分入砂盆內絞汁却入銀器中次以薑汁熬成膏收於瓷器中服粥飲調下半茶匙日三服夜一服量兒大小加減

抱龍丸方 治傷風瘟疫身熱氣急痰實壅盛咳嗽宜服安神

南星膽製一兩 雄黃 天竺黃 辰砂各二錢 麝香

少許

右為末甘草膏丸如櫻桃大薄荷湯磨下有痰喘加枯礬少許

百部丸方 治小兒肺寒壅咳嗽有痰

百部炒 麻黃去節各一兩 杏仁四十粒去皮尖炒

右為末鍊蜜和丸如芡實大熟湯化下重陽加松子仁五十粒炒焙丸含化更加胡桃肉極妙又方加甘草二錢半

日本書紀

卷之三

三

推古天皇

